

黔南叢書

第三集第五冊

桐埜詩集卷之三

黔南叢書第三集

貴陽 周起渭 漁璜

李蒼存後圃種菜圖

○一本無菜字

春深垂柳陰交加  
小桃破萼蒸紅霞  
薇蕨舒拳菱露角  
竹根漸暖思萌芽  
早葵晚菰事已過  
牆陰老薺生白花  
隔年蒿苳不留葉  
但結根蒂如甘瓜  
此時高人抱甕坐  
呼童日併園蔬課  
蜀薑生子芥生孫  
豆棚瓜架交籬門  
風吹菜葉低昂動  
滿園芳氣如蘭蓀  
桔槔慣汲井華水  
亭午轆轤聲未已  
幾日陳根雨後肥  
一夜春苗露中起

芹香韭白充盤盂且佐先生傾一壺座客俄驚鳴變瓠  
臙神不訴羊蹴蔬先生自鼓便便腹曾吐好詩不茹肉  
庾郎二十七種鮭開筵更笑何家俗吁嗟乎閭閻菜色  
人枯槁腹負惟聞達官飽當門拔薤豈無人種菜英雄  
今已老

徐文虎祥琴圖二首

手洗中裙事遠淚霑柏葉痕新卻抱絲桐獨坐哀音還  
爲思親

畫裏君年正少貌如寒柳淒淒今日喬松百尺可憐皓

首兒啼

徐文虎遊五嶽圖二首

足底千山發輟杖頭五嶽真形天風吹動毛髮衣裾旋  
拂滄溟

趁此筋骸尙健名山萬里經過倘畢人間婚嫁向平老  
去如何

風氏園古松歌

城南五畝之園一畝之宮冬春黛色常蔥蘢中有長松  
如臥龍爪甲奮迅身孳空根如積鐵柯青銅流蘇翠葆

紛蒙茸其下可蔭十步九步盤枝偃蓋清陰重其上可  
容五人六人箕踞狂歌竟日同煙光被林樾音韻酣笙  
鐘初日曛曛葉自雨萬籟聞寂枝能風我來踏青二月  
中草芽未綠花未紅娛客賴此蒼髯翁此翁與世相磨  
礱不憂歲月如驚鴻拳曲其身以避用匠石雖逢如不  
逢偃蹇其形以寄傲秦時當封竟不封意思若卑讓左  
揖右拱殊雍容精神特聳拔煙姿霧骨高巖嵒乃知屈  
抑無妨近塵土正勁終必蟠蒼穹吁嗟乎斤斧日加於  
榱桷兮階庭忽刈其蘭叢既當門以爲罪亦構廈而無

功皆投身於有用致天年之不終誠不如此松兮屈伸  
有道閱百千萬祀以全吾躬

院署脩皇輿表成次書宣韻呈同事諸公二首

綠陰如繖覆階除宛轉槐龍上碧虛兩戒地圖分作障  
五雲閣吏對脩書神州往事徵前史海國方言問象胥  
歷落案頭紛獮祭未妨文筆舊迂疏

頑梗年來盡掃除豐碑勒後幕能虛舊傳玉斧分榆塞  
新續琅函譯貢書卷底河山歸束筍毫端波浪湧扶胥  
諸公集事容吾懶坐嘯窗櫺日影疏

再疊前韻和汪東川學士詠懷之作四首

橐筆年年待玉除，俸錢雖忝腹常虛。  
危炊怕浙矛頭米，病骨時探肘後書。  
終歲典衣爲活計，空庭蒔藥當儲胥。  
貧居本不通還往，莫怪羣公記憶疏。

湖海元龍氣漸除，客來祇見下牀虛。  
腐儒挫折休言命，浮世功名不在書。  
南服請纓誅梗化，去年辰州征苗東方轉粟

救淪胥，兩途事業吾難効。  
碌碌謀生計已疏。

餘習紛紛欲懺除，百年常恐此生虛。  
濟時無分且中隱，傳世未能還讀書。  
出處遺踪師曼倩，恩讎覆轍感靈胥。

遊儵祇愛江湖好深願漁人結網疏

年來妄念已蠲除常把三彭問契虛下士頽齡思學道  
前人妙訣豈留書愁看歲月催羊腴夢入江鄉啜蟹胥  
他日歸田一屨足丹鑪還蔭樹扶疏

次韻和王令詒給諫移居二首

分無長物與劉義空有圖書載後車賃屋十千兼賃樹  
移居五畝旋移花竹風正滿王猷舍山色仍歸謝朓家  
重喜詩人作隣里往來騎馬似乘槎

余舊寓與令詒密  
邇及余歸居去令

詒新寓  
亦近

疲馬相逢澗水邊

余令貽黔中作令  
余假歸一晤

而今擁褐對栖禪一

官雞樹貧如舊七尺蝸廬低可憐避漏偶隨移穴蟻伴

吟新換別枝蟬

方干詩蟬曳  
殘聲過別枝

朝來客又尋詩到滿地槐

花落暮煙

書宣寓齋同安公湘芷食蟹疊前韻

潦後潛魚未可父霜螯一具已專車堆盤瑩落龍山雪

破殼丹飄鷺嶺花蛙蛤入筵齊佐酒江湖到眼忽思家

因君偶作南歸夢縮項銀刀滿漢槎

松風乍起竹鑪邊清絕如參玉版禪介士輸芒肥可悅

麴生當坐巧相憐貧官計拙隨陽鴈空腹人悲飲露蟬  
八跪滿前充一飽荒廚明日報無煙

秋懷詩同諸公再疊前韻二首

負暄牆角手頻叉無那吟蟲促緯車蘭渚風淒初變草  
蓮塘露冷不薦花刁騷氣入檀奴鬢寥泚天垂宋玉家  
莫上庭階望星漢誤人頭白是靈槎

書籤零亂襖衣邊一室香鐙護病禪鏡裏鬚眉不如故  
夢中骨肉苦相憐山川別淚千行鴈今古清秋一幕蟬  
辛苦少陵思弟妹時平萬里各風烟

顧書宣得蘇子由硯名其居曰潁研齋且作詩記

之次韻二首

面目生難與世諧  
寒瓊相伴老幽齋  
黃門節概清霜在  
雷嶺山川瘴雨偕  
自昔騎鯨歸汗漫  
更誰點筆繼風懷  
麝煤一笏詩千首  
今日逢君事事佳

簡遠談鋒雜笑諧  
小軒仍復對長齋  
品題龍尾聲華並  
束縛雞毛樂事偕  
餘瀝尙驚珠滿座  
貧家誰信璧堪懷  
前人與爾同癡絕  
被石相磨興轉佳

送張志尹暫假還黔

雞肋功名可奈何黃塵歲月屢消磨身於位業圖中寄  
心在溪山勝處多汐社人歸思舊雨秋水闊足漁簑  
樽前苦覺塵纓在且對滄浪一放歌

疊前韻題桃源問津圖再送志尹

五百年間事若何斷蛇失鹿兩消磨桃花本自秦時種  
溪水甯知漢祀多我故籠中羨高鳥君徒畫裏著煙蓑  
仙源偶值還鄉路聊抱新詩寄棹歌

爲同年襲于路題畫二首

洗盞梅花下泉香比花潔松風七條線泠泠自怡悅脩

然水竹間更落山陰雪

畫中長人身飄然野鶴姿暗香三十里絕憶還山時江  
花落如霰長空帆到遲

爲王令詒題畫二首

溪邊修竹林日夕春雲陰漫空風雨過四面皆龍吟獨  
坐蒼烟裏焚香清道心

右竹谿聽雨圖

銅坑千萬樹殷勤記君面月落參橫時清香夢中見何  
日踏谿橋水清沙練練

右梅花村宴坐圖

題令詒南行圖

畫白公詩身兼妻子都三口鶴與圖書共一船乃赴茂名令時所繪

後魏子作悼亡詩題後

鬱姑臺南千萬山使君鼓柁桃榔間五溪岸上紅楓晚

使君歸棹銅江返人生何地非夢遊清飈過眼浮雲收

惟有江山堪入手江山亦只畫中留南行萬里身如寄

中間更墮童烏淚薪盡成灰亦偶然聊試觀空眼三昧

邇來身入明光宮函書畫立紅雲中舊遊與此孰真幻

夢餘煙水空冥蒙琴鶴由來身外物老懷閱世愈超脫

三間古屋城南隅清坐自弄摩尼珠前塵非有亦非無  
黔山越山安在乎試向晴窗開畫圖

送總憲吳匪庵先生予告歸里二首

文昌夜宿青綾被憲府朝行赤棒車舟楫濟時心未了  
煙霞入夢夜何如都亭折柳殘蟬外南國看山到鴈初  
應上高樓遙騁望鴛鴦水浸玉蟾蜍

詔許肩輿別禁闈

先生辭朝特命乘輿入禁中蓋異數也

君恩深重古

來稀經傳白虎桓榮去琴響青山謝傳歸身列鴛行頻  
戀主眼看鷗鳥乍忘機江湖魏闕心無異暫擬看雲未

拂衣

送湘芷還泰州

蓬蒿翳青松枝葉不得舒  
多肉乃仗馬良驥甘泥塗  
世有王脩齡一飯不忘餽  
願指烏程令斥去如訶奴  
平生陸與潘高簷槐柳俱  
何處蔽席門堪容長者車  
夫君自南來白晳未有鬚  
胸吞九雲夢氣蓋千浮圖  
立身翰墨場凜凜雄萬夫  
結交先沈范

新城長洲  
兩向書

清夜吟芙渠談

詩虎頭座

細研

傾囊瀉明珠  
顰鰲秋雨齋

芝山宮  
論齋名

一引三

斗餘旗亭會名輩  
什九遭擲揄何與癡  
人事我輩自歡

呼彈指五年間光陰難繫拘昨朝履道坊今日黃公墟

交親手搏沙歡遊隙過駒緇塵變年少面紫胸垂胡

公坡

詩邇來八  
十胸垂胡

夜光聯十乘得價無錙銖市門巧笑人金屋

垂簾居當時狹斜間獨無秦羅敷豈乏薦雄者三五持

鈞樞大道直如髮不能中路紆眼看燒尾龍無異投罾

魚且復尋歸棹俛首還江湖北風吹積雪飛蓬罨枯株

征鴈自成行遊子誰與娛去住各有恨誰能便良圖百

年天地間萍蓬君與吾臨觴不成醉送子心踟躕

閏三月三日集聽雨樓以嘉會欣時游豁爾暢心